

籌辦夷務始末

籌辦夷務始末卷之六十六

同治八年己巳五月丙子。通商大臣兩江總督馬新貽奏。  
竊臣接准總理衙門咨。據總稅務司赫德申呈。以現奉奏。  
獎南北洋各口稅務司一案。內有准給銀功牌之幫辦葛。  
德喜。於同治五年辦理湖州洋務。曾經兩廣督臣瑞麟奏。  
請

賞給寶星。現在應如何酌擬改獎之處。咨由臣新貽會同臣榮厚。  
另行彙明奏獎等因。查前項獎案。臣等於本年二月會奏。  
經總理衙門議覆。其中有從前已經邀獎功牌寶星之稅。  
務司等。分別擬給四五品銜。奉

旨依議。欽此。欽遵在案。今葛德立事同一律。既准咨據查明補行  
申敘前來。相應奏明。照案改獎。擬請將葛德立奏獎之銀  
功牌即行撤銷。俾免重複。並可否

賞給五品銜以資獎勵之處。出自

聖恩。謹會同兵部侍郎通商大臣臣崇厚繕摺具陳

御批。依議。該衙門知道。

丙申。總理各國事務恭親王等奏。竊查上年九月間。美國  
使臣勞文羅以書籍數種備進。當經臣等行查理藩院。內  
務府。道光年間

頒賞俄羅斯國條何項書籍。查明琴履以憑酌辦。並將該國所進

書籍穀種封送軍機處備查。旋據理藩院咨覆。道光二十四年據住京俄羅斯達喇嗎修正節。呈懇請領唐古忒幹珠爾經丹珠爾經各一部。曾經奏明。

頒給祇領等因。茲於本年二月間。復據美國使臣呈遞。臣衙門照會。稱本國書籍業已披覽。尚未得觀中華之書。並議檢查中國民數冊籍。臣等當即備文照覆。告以中國民數每年各省咨報。戶部並無成書。惟查道光二十四年

頒給俄羅斯經卷。該國即備書籍呈送。此次既已收受美國書籍。穀種未便不答。臣等公同商酌。由臣衙門購買中國書籍共十種。裝成一百三十冊。並中國五穀菜子共十六種。裝

成五十六匣。花子五十種。裝成五十匣。一併發交該使臣  
祇領。以示酬答。

御批。知道。

恭親王等又奏。再查道光二十五年附俄羅斯國所進書  
籍圖說等件。經臣衙門行查理藩院。茲據覆稱。前項書籍  
圖說等件。已於咸豐八年十二月初間。送呈方略館收存。  
在案。現在臣衙門辦理各國交涉事件。擬將俄羅斯國所  
進書籍圖說等件。移存臣衙門備查。如蒙

允准。卽由臣衙門咨行方略館遵照辦理。

御批。依議。

戊戌通商大臣兩江總督馬新貽奏查法國兵官已律及  
教師五人一名加年一名衛雅而一名蛤利孟一名蘇家  
使一名庵低庵自管帶上海高昌廟槍隊以來教練頗為  
勤慎又蒯商一名製造洋火藥著有成效茲據蘇松太道  
應寶時查明稟請奏給獎勵等情前來臣覆覈無異合無  
仰懇

天恩俯准將已律賞給遊擊職銜加年衛雅而蛤利孟蘇家使庵  
低庵蒯商一併賞給都司職銜並各給金寶星一面用示  
優獎

御批已律等均著照所請獎勵該衙門知道

庚子署伊犁將軍烏里雅蘇台參贊大臣榮全奏竊等欽  
遵

諭旨候與俄官會議烏里雅蘇台立界事宜四月初九日抵烏克  
克卡倫至四月二十八日俄國立界大臣巴布闊福  
帶同臣蘇勒官已已勒開傳等辦立界官穆魯木策得等  
並隨帶俄兵五六百名始經陸續到卡五月初一日該俄  
官等到營中拜望等以茶酒款待初二日等親赴該俄  
官營中答拜該俄官亦以茶酒款待當與議及建立牌博  
處所該俄官等始猶含混其詞等恐其占越即將從前繪  
定地圖再三指示據理辯論該俄官等始無異議於初四

日會同酌議該國幫辦立界官穆嚕木策傳分帶兵隊隨同努分立烏里雅蘇台所屬邊界因該俄官催備口糧等項未齊求努稍候數日定於五月初九日一同由烏克克卡倫啟行至賽留格木地方起向東至沙賓達巴哈止堆立牌博其賽留格木起向西由科城大臣會同俄官堆立牌博議定後努等趕即傳備駝馬啟行務按原約迅速辦理以期仰慰

聖主軫念邊陲至意

御批該衙門知道

崇全入奏竊照同治五年間由俄國科米督率委員等押

運餉銀返回科布多時行抵俄國東木地。因防禦多仁泰。馳校臺訥布。所運餉內。丟失銀四百五十兩。等當卽據實奏。請將多仁泰。臺訥布二員。摘去頂帶。並留多仁泰暫居俄國。查辦此案。嗣於同治六年。等復赴俄國收攬索倫等。取辦理清還俄國墊款事竣。多仁泰已將丟失銀兩查明。係俄國車夫竊去。稟明俄官。追討銀兩。尚未到手。等當將餉銀劃撥二千兩。交該防禦收存。順便備還俄國。續繼帳目。茲於本年四月十九日。多仁泰由俄國旋回。至烏克克卡倫。向等稟稱。丟失銀兩。已於本年三月。經科米俄官照數追出。發交防禦承領。至上年收到備還俄國續

繼帳目銀二千兩。除協濟索倫起程各事。以及辦理索倫各務往返委員等支用車腳銀兩等項外。僅餘銀一百數十兩。前曾向俄官催開續繼帳目。據斜米俄官言稱。目下並無續繼帳目可開。防禦將追出丟失銀兩。並前收二千兩。伯銀內餘騰銀兩。共銀六百兩。均交在俄辦事委員薩碧屯收存備用。趕即旋回銷差等語。隨據該防禦呈遞斜米俄官庫必那圖爾還過丟失銀兩摺印俄文一件。薩碧屯收銀來稟一件。並撥用銀兩清單一紙。等查對數目相符。隨飭該防禦等暫赴烏里雅蘇台聽候差委。訖伏查防禦多仁春在俄查辦丟失銀兩。居住三年之久。凡遇等辦

理俄國交涉事件。其不認真出力。隨時幫同照料。上年六月間。復親赴喀帕兒各處。催辦索倫起程各務。尚屬著有微勞。茲丟失銀兩。既已全數追出。功過尚足相抵。合無懇

天恩。將防禦多仁泰開復原參摘去頂帶處分。並請

賞加佐領銜。以昭激勵。而策將來之處。出自

鴻慈。其曉騎校豐訥布。亦因此案摘去頂帶。茲多仁泰已將丟失

銀兩追出。合無仰懇

殊恩。請將曉騎校豐訥布原參摘去頂帶處分。一併開復。

御批。多仁泰等均著開復原參處分。照所請獎勵。該部知道。

六月辛丑科布多參贊大臣奎昌奏竊等奉

旨派與俄官建立牌博○四月初九日○等行抵烏克克卡倫○二十八  
九等日○俄國官兵陸續始來○五月初二日○俄官到營拜候○  
是日○等答拜○並彼此餽送禮物○於初四日○等奎昌同烏城  
立界參贊大臣榮全○具向俄國立界大臣巴布闊福○臣蘇  
勒官巴已勒開傳○幫辦立界官穆嚕木策傳等○面議舉辦  
商定俄國臣蘇勒官巴已勒開傳○與等建立科邊牌博○於  
初九日○由烏克克一○同起程前往東卡○由賽留格木山嶺○  
按照三年原議分界誌約限造○建立界牌○西行至瑪呢圖  
噶圖勒幹卡倫止○立畢互換圖約○理合先行恭摺具奏○

御批該衙門知道

甲辰總理船政前江西巡撫沈葆楨奏竊臣於七年十二月二十六日業將船政一切工程奏明在案本年正月超廣召驗鑽各匠黏灰穿孔塞罅泥釘俄匠打鑲鐵梁鐵骨鐵條等件兩月之久始行蒞事三月初旬船匠始得到雕梁磨闊擺機器車治舵桅鐵匠拆移輪機水缸等件上船配合編嵌泡釘螺絲兼製銅管氣筒尾輪鐵靴等事如是者復一月有奇四月以後船內之匠則疊疊陸續裁枰桅架拔車舢板等件船外之匠則趕包龍骨銅皮分遣重欄凹槽下水托輞等件內外完備乃加至洋油聯鈐銅板如是

者復二十日有奇。四月之杪。日意格稟稱。船上大小工程一切告竣。請期下水。臣飭監工員紳夜驗無異。因取五月初一日。乘午潮漲滿。縱船入江。先期一日。用巨鐵煮牛膏。豕脂。膜。阜油等物。數十斛。灌入船底四槽。凝厚寸許。將船臺初疊之木。節節撤下。另墊木枋。使船身低依兩旁托架。跗等相銜。留船旁撐柱數十根。以支之。屆期。臣躬率提調。周。閻。錫。及。各。員。紳。致。祭。

天后江神土神船神。向午潮平。日意格督匠役人等。盡拔撐柱。將船頭所銜木楔。眾斧齊敲。使船勢全力趨下。再將船頭鐵網鋸斷。鋸甫過半。船若然自行。一瞬之間。離岸數十

大船上人來勢下碗拋泊江心萬斛艤艫自陸入水微波不濺江岸無聲中外歡呼訖為神助辰下方升桅竿繫帆纜安林囊添旗幟製疏衣整礮枕以備出港適提調道員胡光墻同管駕官副將銜遊擊貝錦泰續基通曉輪機之中國舵工水手八十餘人到工伏念新船如生馬非銜轡均調恐不相宜且一律用中國人駕駛初試風濤尤當慎益加慎因飭該管駕等就船上加緊練習由近漸遠七月開當可徑出大洋駛赴津門請

旨簡派大臣勘驗此第一號下水之情形也第二號之船自開工以來匠作等駕輕就熟工程較速現達祇已封三分之一

再有兩三月亦可下水。第三號船臺底樁俱如法釘齊。全架一成。便可興造。木料一節。日意格所購者。年內已到五起。業經臣等奏明在案。本年二月初十日。第六起報到。二月二十八日。第七起報到。三月初十日。第八起報到。二月二十九日。第九起報到。四月十二日。第十起報到。凡五起統計裝曲直木。及橫板六萬六千六百四十六幅。去年委員劉國泰往南洋所辦者。於二月十七日報到。船名曰法蘇甲里。凡載橫木鐵抄打馬枷號式結紫哪峇納奇木一千八百四十餘節。石來板二千七百八十餘片。其中可供鐵廠橫梁之用者不少。目下良材廣至。船工自易圖成。惟

機器之出。事由鐵廠。閏年春夏陰雨連綿。版築不易。監工員紳。披蓑荷笠。號召泥滓之中。數月以來。甃垣石檻石橋。一律完竣。案稅系橋。亦皆載量如式。而鑄匠方趕造各種船上器具。未遑兼鑄鐵柱。是以棟宇未得觀成。現首船下水。鑄工稍鬆。當飭剋期趕辦。鐵廠告竣。便可講求輪機關竅。輪機之巧。能應手得心。船事乃中邊俱徹也。前派總監工道員葉文瀾。趕造羅采辦指木。據報於三月初一日安抵哈叻。派遊擊吳世忠。舉人蔣錫璠等。先赴暹羅。葉文瀾先將哈叻所辦木料雇船起運。亦於四月初六日前赴暹羅矣。第一號船擬名曰萬年清。第二號船擬名曰湄雲。暫

資疏。應俟抵津勘驗。再懇。

恩旨。寵錫嘉名。以光海宇。其萬年清謹。委遊擊貝錦泉管駕。涓雲謹。委遊擊吳世忠管駕。貝錦泉原駕之華福寶。委都司銜貝珊泉管駕。以專責成。謹會同陝甘總督臣左宗棠。福州將軍臣文煜。閩浙總督臣英桂。福建巡撫臣卞寶第。合詞恭摺具奏。

御批知道了。

己酉。三口通商大臣兵部左侍郎崇厚奏。五月二十六日。據英國住津領事官孟甘。帶同奧斯國使臣畢慈。並隨員數人來署拜晤。等當即接見。據稱該使係該國欽差全權。

大臣東坐兵船前來該兵船在大沽口外停泊係為請立  
通商條約而來言辭甚為恭順茲由孟甘處送來該使照  
會一件內稱奉該國特派前來互換條約照請奏明

簡派大臣以便會同商辦並錄送本國派該使臣敕諭一件希代  
為進呈等因前來除該使臣照會暨該使本國敕諭鈔錄  
恭呈

御覽並將原大封送軍機處備查外理合恭摺具奏  
御批該衙門議奏

奧斯馬加國公使照會

為照會事同治七年十一月初七日日本大臣恭奉本國大

皇帝上諭○特派本大臣前來

貴國京師○互換條約通商章程○相應先行照請貴大臣○卽為奏請

貴國

大皇帝准允○並請

簡派欽差大臣○以便本大臣前往京師會同商辦○再恭錄本國上諭一道○希代為達呈可也○為此照會貴大臣查照

奧斯馬加國公使遞本國敕諭

同治七年十一月初七日○奉上諭朕寅承天命○大奧斯馬

加國大皇帝問

大清國

大皇帝好。朕切願與中國立定友睦之誼。以敦永久。因此議定修  
釐和好通商和約章程。俾兩國人民均獲裨益。諒必同深  
此意。用是特簡親信忠藎。蓋佩帶頭等寶星。世襲伯爵。畢慈  
作為全權大臣。以便會同。

大清國

大皇帝欽差大臣。辦理互換條約通商章程。蓋印畫押。並將辦理  
條約之意。敕諭該全權大臣。按照辦理妥協。朕亦自無不  
允准。特布腹心。務望推誠相信。

崇厚又奏。等查天津續練

因明國八旗精壯兵丁。於同治六年四月間派赴來津。經督同總兵王佐臣。總兵銜總教官薄郎。副將麟華等。嚴定賞罰。逐日訓練。二年以來。該官兵等於馬上刀法。施放洋槍。及分合陣式。變換自如。馳驟縱橫。均能嫺熟。現在總理各國事務衙門。會同神機營奏明奉

旨飭調回京操演。等因。當即查照。六年三月間原練馬隊回京成案。發給該官兵等。六月分一月餉乾。牌傳經過之天津武清通州各州縣。照料應付。並飭派副將麟華護送回京。定於六月初七日。該官兵等由津起程。再津郡洋槍破隊。皆係步兵。若再添練馬隊。相輔而行。以資得力。擬於現練洋槍

礮隊官兵內擇其年力精壯者先行挑出數十名以步改馬。照章給與兵口分馬乾銀七兩八錢。官查照槍礮隊內之其長營官疏令幫帶副帶隊分帶等官分別支給。以歸畫一。其公費銀兩照京營現章月支一百六十兩俟練習精熟隨時添挑官兵成營後再將營制詳細具奏。其應需壯健大馬洋鞍轡洋槍刀衣帽戰靴鼓號旗幟等項均須隨時製買並赴外洋採辦仍用總兵銜英人薄那克總教官責成逐日操演並於京營馬隊酌留委參領成青護軍校春明已彥泰德泰副護軍校阿克都堪五員名。隨同教練以期馬步相合悉成勁旅如蒙

俞允卽於

命下之日分別辦理

御批知道了

壬子總理各國事務恭親王等奏同治八年六月初九日  
三口通商大臣崇厚奏奧斯馬加國遣使來津呈遞照會  
請立條約通商章程一摺軍機大臣奉

旨該衙門議奏欽此臣等伏查五月二十一日據兩廣總督瑞麟  
函稱接英國代理領事梅輝函稱奧國使臣畢慈已抵香  
港不日進京議修條約欲來省拜謁卽定於五月初一日  
按照無約各國成案由梅輝立帶領相見察看畢使臣禮

貌恭順並求代為先容六月初一日據英國使臣阿禮國  
照會內稱奧國使臣畢葛現已來京擬請互換條約通商  
章程並將伊國所交該使教諭一件錄送前來臣等覆以  
在京議約與歷來辦過各國成案不符應將議約之事先  
行照會三口通商大臣由三口通商大臣奏請奉

旨後方可開辦茲據崇厚奏稱該奧國使臣呈遞照會請立條約  
係照向章辦理等因查自英法各國換約後布路斯大西  
洋丹比義大利亞各國均經陸續換約茲奧國事同一律  
自可援照辦理相應請

旨於臣衙門中特派一員照案作為全權大臣會同三口通商大

臣崇厚商辦以備將來在津畫押除臣奏折向不開列外  
謹將臣文祥等銜名開單呈

覽恭候

簡派至將來應議條約自當力與辯論不令出各國條約範圍以  
杜要求而示限制

諭內閣總理各國事務衙門奏奧斯馬加國使臣到津請派員互  
換條約一摺著派總理各國事務衙門大臣兵部尚書董恂三  
口通商大臣兵部左侍郎崇厚作為全權大臣便宜行事辦理  
互換條約事宜

壬戌通商大臣兩江總督馬新貽江蘇巡撫丁日昌奏臣

等將上海購製機器由局配成車牀等項先行揀擇精要於上年十月委解赴津聲明其餘重大之件俟今春再行解運又准總理衙門函屬飭局製造洋馬槍三千桿分起撥解亦於本年二月委解六百桿赴京交收茲據該局總辦委員沈保靖馮煥光等稟稱前項機器除上年配解外其餘九座續經添配清楚並另行添造大起重架等項應用什物均屬齊全前次未經解完之件分別繕具清單聽候撥解又洋馬槍一項續准總理衙門咨會應改作魚尾形式除已造妥槍未便更製外將未經造成者查照發來槍樣飭局如式造辦茲據該局稟報現已遵照式樣造成

魚尾式馬槍一百桿。其前經造成舊樣。未便更製。者尚有  
五百桿。合共六百桿。聽候一併撥解。各等情前來。臣等查  
上海購造機器。運解天津。已准三口通商大臣崇厚函稱。  
以現已擇地建廠。屬為迅速起解。臣等現委候補直隸州  
知州廣元。候補知縣倪成。專將機器馬槍各件。會同領解。  
由海道起運。分別解津解京。其餘未解馬槍。亦當飭局照  
式製造。隨後源源報解。

御批該衙門知道

丙寅。著伊犁將軍烏里雅蘇台參贊大臣榮全奏。等與俄  
官會立牌博。五月十六日至賽留格。和該俄官沿途逗遛。

四出查看至二十三日方同科城大臣前來據稱此地雖  
係賽留格木而水源尚不在此必須再行裁奪方可建立  
牌博○努當與辨論○原圖既有紅綫○原約又有條款○應當順  
此山嶺方為平允○該俄官竟云紅綫條約○可不必遵○止以  
水源為主○辯議三日○該俄官無可狡賴○始遵紅綫辦理○於  
五月二十六日啟行○順賽留格木嶺○至烏里雅蘇台所屬  
唐努烏梁海西南邊界盡處○地名博果蘇克壩○係賽留格  
木一脈○至二十七日○努於壩山建立第一座界牌○鄂博○科  
城立牌博於南○俄國堆鄂博於西○勢如鼎足○從此處起○科  
城轉折向西南立界○至瑪呢圖噶圖爾幹為止○努同俄官

穆魯木策傳。向東北立界。至沙賓達巴哈為止。該俄官又  
住一日。各畫草圖。山西北為俄國地。山東南為中原地。由  
此順東北山下係中原路。約六十里。名塔斯啟勒山。山脈  
難接。若不於此山頂堆立牌博。恐俄人將來以所行之路  
為口實。或又藉故侵占。當向伊說明。該俄官始猶推諉。謂  
鄂博不應太密。警告以於此留誌。兩國均為有益。各情該  
俄官允從。同於二十九日啟行。已刻至塔斯啟勒山。於山  
頂堆立第二座牌博。俄人亦堆鄂博。即日同至珠噶淖爾  
居住。又議立界處所。查原圖紅線。向珠噶淖爾順唐努山  
南向西至唐努鄂拉達巴哈末處轉往北行。順薩彥山向

東至沙賓達巴哈。其中路徑泥淖既多。又每有大水阻路。本屬險阻難越。今早派員弁前往探修路徑。設法履險而過。原以防其藉路難行走。蒙混侵越。乃該俄官果藉此故。遂云若由紅綫其路萬難乘越。止就珠噶淖爾迤北數十里。唐努山之察布齊壩上。建立鄂博。由此直向西北。繞至沙賓達巴哈。路既便捷。又易行走。今查該俄官所指之路。俱係唐努烏梁海遊牧內。現該蒙古總管等官俱隨同辦理此事。若照該俄官所議。不惟與原圖大不相符。且將唐努烏梁海遊牧包去大半。外患雖弭。內患旋作。實屬焦急萬狀。伏思

國家疆土尺寸未可相讓。惟平心細思。該俄官一味恃強。難以理屈。難以情喻。總以得人得寸為心。立界一事。數年以來。迄未就緒。此次傳備臺站。費盡心力。始立牌博兩處。若遽決裂。以後更難辦理。惟有平心靜氣。互用剛柔。向該俄官反復開導。懷紅綫所定曲折之處。實不能行。向內繞道。祇於蒙古等生計尚無妨礙。亦可稍讓陳地。令彼得益而止。或可遲為歲事。等語。現飭該烏梁海總管等官。妥為籌議。如無窒礙。即行從權辦理。懷該俄官一味堅執大肆侵越。等語。斷不敢飽其所欲。貽誤事機。祇有暫時停辦。請

旨遵行。現已兩日。業已舌敵唇焦。該俄官能否轉圜。稍循情理。未

可逆紳等耐心設法辦論。俟後辦理如何。再行隨時陳明。  
科布多參贊大臣奎昌奏。竊等奎昌與烏里雅蘇台立界。  
大臣榮令。向俄官商定。自賽留格木起。烏科兩城東西分。  
立各界牌。於五月初九日起程。至噶婁圖卡倫。次日榮。  
奎昌等奎昌分先赴賽留格木等候接辦。等奎昌即同。  
該俄官帶領官兵匠役。按照圖約建立科邊牌。謬意該。  
俄官中懷詭譎。意圖多占。並不按照原圖畫分紅線。建辦。  
專執以原約第六條內有至建立牌博時。總以各界址水。  
源方向。作為土界之憑。擇其地方形勢建立之語。惟以水。  
源形勢立界。因查界址處所。水源之遠近不一。有在紅線。

外者亦有在紅綫內者。該俄官狡賴牽混。意存多侵。努奎  
昌執據圖約。與其指辨。極力駁詰。並一面先派隨帶章京  
筆帖式侍衛薩拉克齊兵丁等。星夜馳往應建界牌一帶  
處所。明查暗訪。阻其多侵。努奎昌親同俄官履勘建立。於  
是處處與之辯論。舌敵唇焦。幾成決裂。迨五月二十七日。  
行抵烏科兩城所屬交界之賽留格木山道中之布克素  
克達巴哈止。共建立牌博六處。雖該俄官等執以水源方  
向為憑。狡詞牽混。幸在卡倫間齊之外。並未向內喫侵。二  
十八日。努奎昌由賽留格木山返營。同俄官已已勒開傳  
往立西邊牌博。惟有竭慮殫思。不辭勞瘁。親同履勘。照約

辦理以期仰副我

皇上軫念邊疆之意。統俟辦理完結。再行具奏。此次隨帶司員弁  
兵。暨臺卡蒙古官員。隨同。齊奎昌辦理界務。奮勉異常。不  
辭勞瘁。與外夷會辦邊疆事宜。較與尋常差務不同。擇其  
尤為出力者。擬請

賞頂翎。候補佐領額爾德尼善。請令先戴三品頂翎。即補千總。李  
吉祥。請令先戴五品頂翎。即補驍騎校。祿椿。六品頂帶。候  
補外委李得勝。請令先帶五品頂帶。藍翎。筆帖式富勒琿  
經。制外委張富。儘先經制外委劉錦。繡。李遇春。候補外委  
張永。曹合。廉成。永。王德貴。田棟。張有。張慶華。席元勛等。均

請令先戴六品頂翎。索果克卡倫蒙古國薩拉克齊頭等  
台吉吹扎布額魯特蒙古佐領阿木爾吉爾噶勒均請賞  
戴花翎以壯觀瞻。俟事竣如果各員始終奮勉並有出力  
官兵另行據實酌保以示鼓勵。

諭軍機大臣等。崇奎奏會立牌博。俄官意圖侵越。奎昌奏建立牌  
博情形各一摺。崇奎奏現與俄官分界遵照紅綫條約於博  
果蘇克壩塔斯啟勒山分建界牌。鄂博兩處未容俄官向內侵  
占。辦理尚為妥協。其由珠噶淖爾至沙賓達巴哈分界處所原  
圖所載險阻難行。俄官輒欲由珠噶淖爾迤北數十里唐努山  
之察布齊壩上建立鄂博。由此直向西北繞至沙賓達巴哈按

其地地已將唐努烏梁海遊牧包去大半該俄官藉詞欺索意圖侵越豈可遂其狡謀崇全惟當按照條約與之辯論固不可過於決裂致生事端亦不得藉口從權遷就了事任令得步進步貽誤事機是在該大臣妥為善辦以副委任奎昌現與俄官往立西邊牌博亦著詳細履勘照約辦理是為至要此次隨帶司員尚為出加佐領額爾德尼善著先賞三品頂翎千總李吉祥著先賞五品頂翎馳騎校祿祥外委李得勝均著先賞五品頂帶筆帖式富勒琿經制外委張富劉錦繡李遇春外委張永曹合康成永主德貴田植張有張慶善席元勛均著先賞六品頂翎索果克卡倫蒙古圖薩拉克齊頭等台吉吹扎布額魯特

蒙古佐領阿木爾吉爾噶勒均著賞戴花翎事竣後如果始終奮勉准由奎昌酌量保奏

榮全又奏竊蒙會同俄官分立地界行抵賽留格木地方該俄官大肆矯強意圖侵越幸蒙先於本年二月間派委候補防禦兵部幫辦主事職銜阿克棟阿率同蒙古官員查看山川形勢木石等項界畫分明並安設臺站均在原約紅綫附近處所不令該俄官行走內地已得建立牌博兩處今該俄官無可侵越是該員阿克棟阿並蒙古官等眾均係尤為出力現值界務喫緊之際必須隨時隨處熟悉地利與俄官辯議並臺站齊備方期無誤事機若非先

為請獎恐不足以示激勸而策將來合無仰懇

天恩請將候補防禦兵部幫辦主事職銜阿克棟阿克先行

賞加佐領銜並請

旨飭下綏遠城將軍該城遇有防禦缺出首先坐補以示激勵俾

該員倍加奮勉其隨行蒙古各官擇其尤為出力者開單

額懇

天恩量加鼓勵俾家官等有所觀感而資臂使

御扣阿克棟阿克著賞加佐領銜並著知照綏遠城將軍遇有防禦

缺出首先坐補單開之鄂勒哲依瓦齊爾等均著照所請獎

該衙門知道單併發

戊辰通商大臣兩江總督馬新貽奏。竊准總理衙門咨會  
法國武弁諾味查。稱請功牌一案。應由臣查奏。明辦理  
等因。查此案先據江海關道稟。據法國總領事及兵官等  
咸稱。該國兵弁前在上海助剿。曾蒙中國鑄送金銀功牌。  
量功分給。其時該弁諾味查未得領受。懇請補給等情。飭  
據該關道查明諾味查係前在法國水師兵船充當武弁。  
隨同幫辦攻克江浙之嘉定南橋甯波等處。歷次在事出  
力屬實。同治元年奉飭製造獎武功牌。當經詳咨有案。今  
應否請予補獎。咨經總理衙門咨覆前因。相應查奏。奏明。  
擬請補。

賞給法國武弁諾味蓋銀功牌一面以示獎勵。卽由江海關道照  
案送給。

御批知道。

七月。奉。總理各國事務恭親王等奏。竊查上年十一月  
間。臣等接到閩浙總督英桂。福建巡撫卞寶第來函。據稱  
署噶瑪蘭通判丁承禧稟報。訪聞有英國洋人。帶同工作  
往大南澳一帶查界。查勘山場樹木情事。當遣通事往詢。  
據該洋人聲稱名詹。係駐紮成伯國領事美利古。飭遣前  
來伐木。該洋人並用鹽布羽毛結文香眾等情。正在辦理  
間。復據該督撫咨函內稱。復據丁承禧稟報。該洋人承領

咸伯國領事執照。雇覓工匠四十餘人。於九月中旬至大  
南澳建堡伐木。並風聞已與生番聯姻等情。臣等以中國  
土產。不便任令外國人自行採取。且交結生番。恐生後患。  
卽經照會英布兩國使臣。令其將該洋人等撤回。懇請  
准布國使臣李福斯。以備函成飭美利士。若仍不遵條約。  
任性妄為。遇有因此受累。皆由自招。英國使臣阿禮國。以  
劉飭淡水領事官詳查。如有違約情事。立即嚴行禁止。先  
後照覆前來。當卽鈔錄往來照會。知照該省辦理。在案。本  
年四五月間。臣等復疊次接到該省督撫咨函。以該洋人  
等建堡伐木。前經布國英國兩使臣成飭查禁。毫無儆畏。

現仍在彼墾荒意欲種茶並販運軍火偷濟生番等因臣  
等以內地山場非洋人所得開墾軍火乃違禁之物接濟  
生番貽害尤甚自當立為禁止但該洋人既不遵各該國  
使臣戒諭若非由中國自行拏辦誠恐禁止無期況布國  
照會內未有因此受累咎由自招之言遂各給予照會直  
言該洋人任性妄為業經行文該省督撫轉飭查拏按約  
送交領事官懲辦如敢恃強抗拒傷斃無論並經臣等鈔  
錄給英布兩國照會咨覆該督撫轉飭妥辦亦在案嗣據  
布國照覆謂美利士顯違中國律例祇得任憑地方官如  
何攔阻如實係不能免其拏辦不可有傷斃之事等語復

經臣等以前次照會非必欲置美利士於死地。僅美利士不服擊斃。恃強抗拒。卽難保無損傷。照覆該使臣並鈔錄來往照會。知照該省督撫去後。六月十六日。復接該督撫咨函內稱。該洋人等添帶壯勇四十名。仍在彼招募工作。並勒抽附近小民所砍風藤薯榔貼補勇糧。及泥見口通商委員詳報。遵劉照會英副領事來信。領事等覆詞意存袒護等情。臣等正擬辦理照會。適據英國照覆內稱。業飭領事務將名康洋人撤回。不准再往。並據布國照覆內稱。聞該處地方官所報一切情形。與美利士所行不相符合。請將所辦美利士之事。暫行停止。勿辦如美利士有性命。

之禍。卽有關繫各等語。臣等以英國兩次照覆並無異說。俱尚近理。而布國此次照覆則顯露袒護之情。是以分給該兩國照會於英國則不多置辦。於布國則復申前說。言已咨覆閩省。仍照前次查拏懲辦。如敢抗拒。傷斃無論之。咨辦理一面將現辦來往照會情形函致該省督撫酌覈。續於二十六日。人接該督撫咨函。詳述該領事等意存袒護。雖有撤回匠作暫回看守之語。實則仍在彼招募工作等情。臣等伏查臺灣孤懸海外。久為布國所垂涎。卽英國亦未必不措意其間。以觀漁人之利。今該洋人等違禁滋事。既經臣衙門照會該使臣。由中國自行拏辦。並經豫為

聲明設或抗拒傷斃無論一節未知該省能否照辦其或  
不遵照辦亦未始非因中外交涉倍加慎重之意但事求  
得當總須有明白幹練大員隨事斟酌機宜方臻妥協該  
省歷次來文僅令委員及淡水同知等辦理此事其臺灣  
道一缺仍屬虛懸似不足以控地方而資鈐制相應請  
旨飭下閩浙總督福建巡撫迅速揀員奏補臺灣道缺或先擇人  
署理責成察看情形互用剛柔相機籌辦

諭軍機大臣等總理各國事務衙門奏洋人在臺灣違禁滋事現  
籌辦理情形一摺洋人美利士等在臺灣大南澳地方伐木墾  
荒私販軍火交通生番實屬違禁妄為業經該衙門照會英布

兩國使臣。由中國自行等辦。並知照該督撫酌量辦理。此事英國使臣自知理屈。已據照覆。飭將英人名康撤回。而布國使臣則請將美利士暫行停辦。顯有袒護之意。此時該洋人等曾否撤回。抑仍在該處招募工作。如果不遵條約。任性妄為。自應由該督撫查拿懲辦。惟事關中外交涉。必須有明幹大員。隨時斟酌辦理。方臻妥協。臺灣道一缺。關係緊要。未便久懸。著英桂卞實著迅速揀員奏補。或先擇人署理。責成將洋人交涉事件。察看情形。妥慎籌辦。總期不激不隨。毋稍偏倚。原摺著鈔給閱看。

給英國照會

為照會事。前准閩浙總督福建巡撫函稱。據噶瑪蘭通判

丁承禧函稟。有英國洋人。帶同工作洋人五六名。赴大南  
澳一帶。查勘山場樹木。當遣通事往詢。來歷。據該洋  
人聲稱。名康。係軀那氏伯國領事。美利古。飭遣前來。開山  
伐木。當經再三勸阻。該洋人。不但不肯折回。並用鹽布羽  
毛。結交番眾。查各國條約。並無洋人可以擅入內地。開山  
伐木之條。且大南澳山場樹木。為全臺地脈所關。臺人固  
必不允。從況該處均係生番居住。萬一洋人輕入。肇釁生  
端。辦理殊多窒礙。該洋人因見該處招募工匠無人。旋即  
駛回淡水廳屬之雞籠口。在彼自買小船三隻。雇覓工匠  
四十餘人。復至大南澳。建築伐木。拘之不答。當經通商委

員馮守照會美領事。迄未照覆。卑職卽往見該領事美利士。詰以不應違約給照赴蘭伐木。該領事初則諉為英人所為。非伊主見。繼而藉詞大南澳為生番地界。不應蘭廳查問。卑職告以蘭廳管理民番。卽番地亦地方官所轄。豈容不問。若以番界為言。如上年椰埕生番戕害洋人之事。何以仍需中國官前往查辦。該領事枝梧許久。云在一二月內當往船局商辦木料。且請暫日再議等因。昨又准咨稱。查該洋人自雞籠等處續雇工匠。約共已有百餘人。並募壯勇二十餘名。攜帶礮械。在大南澳建築土堡一所。中蓋草瓦屋二十餘間。又在附近五里之小南澳築一土圍。

中蓋瓦屋三間。草棚十餘間。伐取之木陸續運赴雞籠。准  
流尾通商委員馮守。照會參代領事查夜去後。旋准函覆  
內稱。該洋人康姓。與伊係屬朋友。並非雇其前往該處開  
山伐木。且該洋人並無隨帶通事。所稱轉令詢詰之通事。  
係廣東人吳姓。現亦在彼設墾伐木。地方官尚無禁止等  
語。前來。因思該洋人既係英國人。諒英領事必知底蘊。後  
經往詰英國住流領事何。據稱大南澳地屬內山生番之  
界。非蘭廳所轄之地。與雇倩洋船在不通商口岸貿易情  
形不同。未便禁其勿往。惟該洋人有被生番戕害。實屬禍  
由自取。斷不移請地方官查辦等語。查參代領事即美利

古所稱廣東人吳姓係船政衙門採辦木料之職員吳標  
由素詣洋語七月杪該洋人名康現查又名未士康初到  
葡地卑職因其言語不通葡民無解翻譯之人故借吳標  
南前往詰問不意該洋人即以亦在彼伐木尚無禁止藉  
詞飾覆吳姓係廣東人是用中國人採辦中國界內之木  
與洋人違約自往採伐迥不相同相應咨呈照會公使迅  
飭領事將建堡伐木之洋人一併撤回等因前來本爵查  
通商各口是為外國人通商而設和約所載止准各國商  
人在中國地方貿易至山場土產各有其主斷無可以任  
令外國人自行採取之理況中國禁令凡有強取他人樹

木土產者。照例治罪。而開山伐木。情節尤重。此次貴國人  
在大南澳地方入山伐木。並用鹽布結交生番。且各稱名  
康係艇舸。成伯國領事美利士所遣。該處既有貴國領事。  
何以該洋人等反受成伯國領事指使。違約妄為。迨經該  
處地方官面詰。成伯國領事美利士不應遣人伐木。該領  
事則稱係該洋人等所為。非伊主見。而何領事又謂地非  
蘭轄。未便禁其勿往。互相推諉。殊非公正辦事之道。查美  
國人在瑯嶠山被害之案。中國費盡許多周折。始辨就緒。  
儻若再有前項情事。各將誰歸。且領事官之說。原為約束  
本國商民。意至善也。近來遇有不法洋人。領事官往往任

其妾為不肯禁止。雖經地方官照會武當面辯論。亦仍置之不理。迨至釀成事端。則又以為中國官員不為保護。或以為地方官辦理不善。跡其所為。非特不能知本國設立領事之美意。並不能體責大臣與中國和衷辦事之真心。似非保全和誼之道。除由本衙門將美利士違約妄為情狀照會布國奉大臣查辦。並行知該省嚴行禁止外。相應照會貴大臣查照。迅飭該處領事官。將該洋人等立即拏解。萬勿再滋事端。致與和好有礙。是為至要。為此照會。

英國照覆

為照覆事。准貴親王來文內。以接准閩浙總督福建巡撫

咨稱英國洋人名康者帶同工作違約前赴大南澳一帶  
畚界查勘山場樹木等因知照前來○本大臣現已鈔錄來  
文○劉飭淡水副領事官詳細查明情形如該英人有違約  
情事立即嚴行禁止○俟該領事官中復到日再將一切情  
形照覆○

給布國照會

為照會事○前准福州將軍○福建巡撫函稱○據通商總局轉  
據噶瑪蘭通判函稟○訪聞有英國洋人帶同工作坐海船  
駛往蘭轄之南風澳登岸住宿並往大南澳一帶畚界查  
勘山場樹木情事○當情通事往詢來歷○據該洋人聲稱名

唐係艋舺成伯國領事美利士。飭違前來開山伐木運赴  
應用。經令再三勸阻。該洋人覆稱須專信領事請示等語。  
並用鹽布羽毛結交番取。規度地勢。自買小船三隻。由雞  
籠口雇僱工匠四十餘人。於九月杪到彼興工。不知其意  
何屬。卑職卽往見該領事美利士。詰以不應違約給照赴  
蘭伐木。該領事初則諉為英人所為。非伊主見。繼而藉詞  
大南澳為生番地界。不應蘭廳查問。卑職告以蘭廳管理  
民番。卽番地亦地方官所轄。豈容不問。若以番界為言。如  
上年瑯瑤生番戕害洋人之事。何以仍須中國官前往查  
辦。該領事枝梧許允。云在一二月內當往船局商辦木料。

且請暫回再議等情。再查各國條款。並無洋人可以擅入  
內地開山伐木之條。或伯國美利士何得輒遣洋人查勘  
山場。伐木營運。且大南澳山場。為全臺地脈所繫。臺人多  
不允從。況該處離城計一百二十五里。均係生番地界。臺  
地人本浮動。生番情性又異常人。萬一洋人輕入。肇釁生  
端。辦理殊多窒礙。希照會布國公使等。即昨又准咨稱。查  
該洋人自雞籠等處。續雇工匠。約共已有百餘人。並募壯  
勇二十餘名。攜帶礮械。在大南澳建築土堡一所。中蓋草  
瓦屋二十餘間。又在附近五里之小南澳築一土圍。中蓋  
瓦屋三間。草棚十餘間。伐取之木。陸續運赴雞籠。准泥尾

通商委員馮守。照會麥代領事覆查去後。旋准該代領事  
用外國字面覆內稱。該洋人康姓與伊係屬朋友。並非在  
其前往該處開山伐木。且該洋人並無隨帶通事。所稱轉  
令詢詰之通事。係廣東人吳姓。現已在彼設堡伐木。地方  
官尚無禁止等因。前來。查麥代領事卽美利士。所稱廣東  
人吳姓。係船政衙門採辦木料之職員吳標南。素諳洋語。  
該洋人名康。現查人名未士康。初到蘭地。卑職因其言語  
不通。蘭民無解。繙譯之人。故倩吳標南前往詰問。不意該  
洋人卽以亦在彼伐木。尚無禁止。藉詞飾覆。相應咨呈照  
會公使。迅飭領事。將建堡伐木之洋人。一併撤回等因。前

和木王大臣查通商各口。是為外國人通商而設。和約所載。止准各國商民貿易。至山場土產。各有其主。斷無可以任令外國人自行採取之理。況中國禁令。凡有強取他人樹木土產者。照例治罪。而公然帶領多人。開山伐木。情節尤重。此次據該省咨報。美利士遣人在大南澳一帶。開山伐木。查上年九月間。閩省來咨。以洋商美利士兼辦領事。所豎旗色不符。經本衙門照會貴大臣。改派真正領事官前往。嗣准貴大臣照覆。內稱。美利士一名。本大臣並未接其為咸伯國領事之行知。其所辦事務。本大臣亦全不知。等語。查立約時。貴國前次大臣照會內開。各口設立領事。

必須派真正官員。不可用商人濫充此職。不但本國領事官照此辦理。必同德意志各國。及三漢謝城。一律辦理等語。該美利士既係商人。原不能充當領事。乃貴國並未派為威伯國領事官。而美利士以商人自行冒充領事。況又任性妄為。弗遵和約之規條。擅犯中國之禁令。實屬不安本分。自應由貴大臣速即嚴行懲辦。為此照會貴大臣。希即飭美利士將已經遣往之船隻工匠等。迅速撤回。並嚴禁不得擅入畚界。交結番人。至威伯國領事官。既未以美利士充。自應按照換約時。貴前大臣照會內所允速派真正領事官前往。以重責守。本王大臣有切望焉。為此照

會

布國照會

為照覆事。准貴王大臣照會內開。或伯商人美利士多有任性妄為等因前來。本大臣查該商美利士所違前住行此違約之人。據來文所云。係屬英人。並非本大臣所能約束懲辦。自應由貴衙門照請英國辦理。蓋英商違約。自不容藉詞於美利士所使。即可脫然事外。本大臣現已備函前使。或飭美利士若仍不遵條約。任性妄為。遇有因此受累之處。咎由自招。今將此信封在照內。由貴衙門寄交該商收領。至美利士兼充領事官一節。本大臣但可仍執前

說並未接本國以其為領事官之行知又查來文所稱本國前次大臣立約時應允各口設立領事必須派真正官員等語係由貴衙門誤會其意且彼時次大臣曾明晰言及本國亦甚願極力派真正領事但即偶派商人亦無不可且天下各國無論在於何處設立領事若命商人代辦均非礙理即派往為領事之國亦未有不首肯者獨布國而不能若此乎茲更有美國天津領事官伊本係商人雖已拖欠虧空然尚未更換現在本國仍意欲於中國緊要各海口派真正官員近已派領事一員前往上海辦理公會事務天津及廣州亦將照辦但各事欲抵妥善均須由

漸而入方能成就。況康賈之舉乎。貴王大臣於中國之事多曾經過。自當深知也。為此照覆。

給英國照會

為照會事。同治八年四月二十五日。准閩浙總督咨稱。據噶瑪蘭通判稟稱。咸伯國美利士。親到大南澳地方。隨同土番數人。前往生番社內。兩日方回。復到蘇澳口之南風澳山脚。起蓋草屋三間。為往來寓所。現在大南澳洋人堡內。盡力開墾。有擬栽種茶葉之說。又據稟稱。名康洋人。達約建堡伐木。現復專事墾荒。應請英布兩國公使履行諭禁。五月初三日。復准該省咨稱。美利士時常用船由港尾

難龍運載食物往來。近則運有火藥。前來販賣。偷濟生春。  
各等因前來。本爵查成伯國美利士及英人名廖。在大南  
澳開山伐木。前於二月間。經本衙門照會貴大臣嚴禁。嗣  
准照覆。已剴飭淡水副領事官詳細查明。立即嚴行禁止。  
各在案。乃迄今數月之久。何以該洋人仍復在彼伐木。墾  
荒。並欲種茶。查樹木乃中國材物。非外國人所應隨地採  
取。內地乃中國山場。非外國人所得隨便耕種。至軍火尤  
屬違禁之物。載在條約。不准販運。而偷濟生春。情節尤重。  
名康洋人。係美利士之朋友。與之合夥。又復常川往澳。則  
此項軍火。在滬尼載運前往者。必美利士。而在彼販賣偷

濟者難言非名康洋人所為似此背約妄行殊於通商大局有礙該處領事官現尚未即遵奉貴大臣之諭速為查禁本衙門已行文閩省督撫飭該處鎮道等查拏按約送交領事官懲辦如敢恃強抗拒不服拏送誠如布國李大臣所稱咎由自招止好傷斃無論除照會布國李大臣外相應照會貴大臣查照仍希轉飭該處領事官知照協同辦理可也

英國照覆

為照覆事准貴親王照會以洋人名康仍在越南澳地方伐木墾荒等情前來本大臣原以來據該處領事官稟報

是以未經照覆貴親玉茲已據領事詳報情由本大臣現已飭令該處領事官務將名康本國人撤回並以徒不准該名康本國人再往該處復有伐木墾荒等事為此合行照覆貴親王查照可也

給布國照會

為照會事同治八年四月二十五日准閩浙總督咨稱據噶瑪蘭通判稟稱咸伯國美利士親到大南澳地方隨同土番數人前往生番社內兩日方回復到蘇澳口之南風澳山脚起蓋草屋三間為往來寓所並在大南澳地方盡力開墾有擬栽種茶葉之說五月初三日復准咨稱噶瑪

蘭通判稟報○美利士時常用船○由浣尼雞龍運載食物來  
街○近則運有火藥前來北風澳蘇澳一帶販賣等情○卑職  
雖已立將該處迫近生番各社○係屬不通商口岸○向來嚴  
禁軍火偷濟生番○稟請辦理臺灣通商馮道○先行照會該  
領事照約停止去後○恐該領事未必即肯照辦等情○據此  
查美利士在大南澳建堡伐木○前由布國李大臣備函成  
飭在案○茲據稟美利士復由浣尼雞龍用船運載火藥赴  
蘇澳等處販賣○查火藥係違禁貨物○不准販運進出口○載  
在各國通商章程第三款○況蘇澳等處迫近生番各社○運  
濟軍火○尤為中國例禁所最嚴○美利士本係威伯因商人○

自稱為三漢謝城領事其堅立旗式與布國所定德意志公會旗式不符先已給送貴衙門照會布國公使查辦乃美利士毫無敬畏始則擅赴大南澳墾地伐木今又將火藥運赴不通商之蘇澳等處販賣似此種種違悖條約若不嚴行懲處不特於通商大局殊多窒礙且何以申布國公使統率之權相應咨呈謹請照會布國大臣等因前來查美利士冒充領事開山伐木各節疊經本衙門照會貴大臣懲辦曾准貴大臣備函戒飭該商各在案乃現又復親入生番搭屋墾地妄冀種茶近更愈作愈妄竟至販運軍火私濟生番查軍火乃違禁之物載在條約不准販運

而生番性情好聞嗜殺。本不安分。使復濟以軍火。彼將何  
所不為。大為中國之害。而亦非外國之利。斷不能不急為  
嚴禁。貴國統轄公會各國。貴大臣即操約束各國領事及  
籍制各國商人之權。該美利士乃敢疊次背約妄為。本衙  
門已行文閩省督撫。飭該處鎮道等嚴行驅逐。使該商不  
聽攔阻。即由該地方官嚴拏。按約送交貴國領事官懲治。  
美利士如敢恃強抗拒。即照貴大臣前照會內美利士若  
仍不遵條約。任性妄為。遇有因此受累。悉由自招之言。由  
該地方官拏辦。時即傷斃。無論除冒充領事一節。現准貴  
大臣照會。咨行貴國管理北德意志大臣查明另行辦理。

外相應照會貴大臣查照轉飭該處領事官知照協同辦理可也

布國照覆

為照覆事接奉貴王大臣照會內開准閩浙總督咨稱美利士冒充領事開山伐木近復販運軍火私濟生番各節現已行文該處鎮道等嚴行驅逐等因前來本大臣查美利士一節前曾於五月初五日照覆貴王大臣現已咨本國管理北德意志公會議事廳事務大臣請其將該商美利士充當領事之官職即行撤還等情在案本大臣於此事祇於能咨請本國將其撤還如再別有作為非本大

臣所應有之權。如該美利士果然顯違。

貴國律例。本大臣祇得任憑該處地方官。如何攔阻。以禁其行。惟有特請貴王大臣。分心轉飭該管官。祇可將其違例之事。禁止勿為。不可有傷斃之事。誠恐一有傷斃。即不免有許多交涉難辦事件。本大臣亦甚倚賴該處地方官。必然另有他法。禁止其行。不得有傷斃美利士之事。如果實係不能免其拏辦。本大臣查按約應送交上海本國領事官辦理。至拏獲之際。解送之時。萬不可待該商以刻薄殘忍。蓋以該商如有受苦情節。即啟其欲與

貴國討實恤之因由。本大臣特請貴王大臣速為轉飭該管

地方官於此事多為留意。以免嗣後有交涉難辦之處。為此照覆。貴王大臣查照可也。

給布國照覆

為照覆事。准貴大臣照覆內稱。查美利士一節。不可有傷斃之事。等因前來。本王大臣查前次照會所論。非欲置美利士於死地。總因該商種種不法。理應查禁。如果該商不敢抗拒。則拿獲後。由領事官按貴國律例治罪。本王大臣決無異言。惟美利士不服查禁。恃強抗拒。即難保無傷損。然要非本王大臣辦理此事之心也。貴大臣如能展諭該商。或飭該處領事官轉諭該商。俯首聽命。絕不抗拒。自無

傷斃之事。儻該商及早悔悟。迅將伐木墾荒販運軍火之事。立刻停止。則併無事於查辦。惟責大臣酌度是幸。為此照覆。

給布國照會

為照會事。案查咸伯國商人美利古在大南澳地方伐木墾荒。販運軍火。私濟生番各情。歷經照會貴大臣在案。茲復准閩浙總督函稱。據署臺灣淡水同知龔美利士架勢不馴。恣行悖謬。三角涌地方有民人陳田春。拖欠洋商桂項。經美利士拏交追還。內山桃長郭丹貴。素與陳田聯財生理。帳項輾轉不清。且陳郭二人。俱與洋人交結。郭丹貴

從中撓搆陳田以此挾怨。又因前欠未還。趁郭丹貴。販棧  
出山。遂被截留。抵大。美利士乃出為色攬。謂此棧實伊所  
買。銀已交清。照會海關。移請拏辦。又美利士行在滬尾。買  
地起蓋。議價未成。中止。美利士輒聽旁人說。謂有人把  
持。不問虛實。擅拏民人王厲。鞭毆重傷。酷押不放。該處人  
俱懷不服。欲率眾同赴美利士行。搶回王厲。雪恨。該同知  
親身督帶差勇。多方諭止。該民人等始斂怨而散。將王厲  
押回釋放。入美利士運載洋藥等物。欲往蘇澳。雇載刺船  
駛至雞籠附近之鼻頭地方。因風覆溺。貨物業已沈失。幸  
遇別船舵工陳堵。捨命赴救。並將該洋人等送交雞籠洋

稅牌乃美利士反謂其乘危撈括屢次照請移遞必欲將該舵工拏辦種種妄為臺民積恨甚深若再含容恐為大患等因前來查美利士背約妄為業經貴大臣查明行文撤退乃復包攬事端鞭撻民人誣及善良大為該處百姓之害本衙門已函覆該省仍照前次拏交領事官懲辦如執抗拒卽傷斃無論之咨辦理至美利士冒充領事前准貴大臣照會已咨本國詢明撤退所有咸伯國領事一缺應由貴大臣與貴國大臣另行商派真正官員充當其未派員到任之先並由貴大臣派人暫署以便地方官與之辦事相應照會貴大臣查照酌量辦理可也

布國照覆

為照覆事。接准貴王大臣照會內開。准閩浙總督函稱。美利士包攬事端。鞭毆民人。誣及善民。現仍照前文拏文領事官懲辦等情。本大臣現接臺灣來文。據云該處地方官所報一切情形。與美利士所行不相符合等語。一俟將該原文譯成漢文。再為照送貴衙門查閱。現在惟有希請貴王大臣將所辦美利士之事。暫行停止。勿辦。想貴王大臣亦知美利士與英國商人荷爾那同行貿易。本大臣先須與英國往京大臣阿。將此事商議明白。至貴王大臣來文。屢言拏獲美利士之時。如有抗拒。即傷斃。無論等因。重重

言之。按此似乎貴王大臣欲美利士有此傷斃之禍。待德意志人似不多顧愛人之心。本大臣未免詫異。蓋前去照會。曾言北德意志公會辦理招工出洋之事。其待中國人明白顧遠愛人之心也。今本大臣將美利士之性命責任於該管地方官。仍請貴王大臣與該管官特為指出。如美利士有性命之禍。以後卽有最大之關係。至於來文所言一切交涉事件。本大臣想皆該管官辦理未能妥協。漠然相視之故也。為此照覆貴王大臣查照。

給布因照覆

為照覆事。昨准貴大臣照會。稱現接臺灣來文。該處地方

官所報一切情勢與美利士所行不相符合。俟譯成漢文。再為照送。至來文屢言擊獲美利士之時。如其抗拒。即傷斃。無論重重言也。似不多顯愛人之心。等因前來。本王大臣查美利士伐木墾荒。私販軍火。種種妄為。實難悉數。若按條約。早應擊辦。本王大臣並未肯立即查擊。僅照會貴大臣查禁。嗣雖承貴大臣專函禁止。而美利士並不遵依。違犯中國律例益甚。本王大臣因其既不聽從貴大臣成諭。人不可任其在彼恣意妄為。祇可按約擊辦。尤恐美利士不服查擊。倚仗人眾勢強。抗拒爭鬪。致有傷斃情事。特豫先將傷斃無論一節。屢屢聲明。照知貴大臣者。原其美

利士有所省悟。或責大臣嚴行禁止。果能趕緊將人眾撤回。安分貿易。不但無傷斃之事。卽拏辦一層。亦卽無庸議及。前次照會。亦將此意言明。本王大臣如此委曲用意。正是愛人之心。實屬顯而易見。貴大臣若能及早設法查禁。諄諄以恐有損傷之意。語誠於前。不任其滋事聲勢。卽不至將來拏辦時。或有意外之損傷。則所以愛之者。卽與本王大臣之意無異。若不諄諄以恐有損傷之意。明以相告。設或仍前任意違犯中國律例。而又不服拘拏。迫至不得已而有意外之損傷。則是愛之者。適乃所以害之。總之因不服拘拏而致有損傷。何如俯首就擒。而聽任拏交領事。

因伐木墾荒私販軍火而致有拘拏何如嚴為申禁令其  
不犯中國律例而行所無事本王大臣特為責大臣反復  
言之或彼能及早悔過自止實本王大臣之所深願而並  
為深望者也為此照覆

給布國照會

為照會事准閩省督撫咨稱據浣尾口通商委員詳稱或  
伯國商人美利古遣英國人名康在大南澳建堡伐木經  
伊國公使給有洋信無如堅執如前接奉公使諭禁之後  
愈肆橫行殊出情理之外名康洋人由浣尾回至大南澳  
又帶來黑洋人四名添來壯勇四十名仍在彼招募工作

云要一百八十名之多。每名月出工資七圓之重。並將附  
近山民所砍風簾薯榔。按百擔勒抽二十擔。貼補勇糧。以  
致蘭民懷恨。欲往拆堡相鬪。職親到蘇澳彈壓諭止。令各  
家長展行的束各子弟。不得私相尋釁。第美利士中通名  
康洋人。種種違約背行。且竟抗違公使號令。又據丁丞具  
稟。英人康到南風澳。逐日盤收雞籠口運來灰瓦甚多。均  
之將在何處蓋屋。亦復不答。察看情勢。非美利士有諭止  
撤。不肯退回。查生番所居之地。皆隸中國界內。大南澳並  
非通商口岸。洋人固不准私往。向生番租地開墾。其地亦  
非生番所能擅租。乃美利士奉到公使成飭。仍任性妄為。

人令英人康添雇壯丁。向山民勒抽勇費。請照會布國公  
使等因前來。查美利士背約妄行各節。經本衙門行文該  
省督撫。飭地方官拏文領事官懲辦。如敢抗拒。卽傷斃無  
論。並疊次照會貴大臣在案。茲復准該省咨報。串通名康  
洋人添帶壯勇。招募工作。勒抽山民所砍風藤薯榔貼補  
勇糧。其悖戾妄為。愈屬意想所不到。本衙門現復咨覆該  
省。仍照前次拏文懲辦。傷斃無論之咨辦理。至咸伯國領  
事一節。前經照會貴大臣先行派員暫署。希卽將所派何  
人之姓名照會本衙門。以便轉行該省。並祈將拏辦美利  
士各情。卽行轉飭該署領事。知照辦理。除照會英國阿大

臣外。相應照會貴大臣查照。

給英國照會

為照會事。同治八年六月十六日。准閩省督撫咨。函內稱。據浣尾口通商委員詳稱。咸伯國美利古遣英國人名康。在大南澳建堡伐木。違創照會英國副領事額。請其趕緊。將該洋人康撤回。四月十七日。方准英領事額照覆到。關。先以大南澳乃不入中國版圖。該洋人與生番和睦買地。開墾。並非強搶霸占。繼以該洋人動用鉅款。開闢墾地。一時即令撤回。未免有虧成本。似非體恤之意。應請地方官。變值賠償。並請仍令該洋人暫回大南澳看守。俟稟明伊。

國公使請示辦理等因前來。語多抵牾。意存袒護。經職明  
晰指駁。並面晤英領事再三辯論。無如堅執如前。有牢不  
可破之勢。該洋人接奉伊國公使諭禁之後。愈肆橫行。殊  
出情理之外。察看情勢。英領事似非理所能喻。並據署噶  
瑪蘭通判稟稱。名康洋人。由滬尼回至大南澳。並又帶來  
黑洋人四名。添來壯勇四十名。仍在彼招募工作。云要一  
百八十名之多。每名月出工資七圓之重。並將附近山民  
所砍風箏薯榔。按百擔勒抽二十擔。貼補勇糧。以致蘭民  
懷恨。欲往拆堡相關。職親到蘇澳彈壓諭止。並令各家長  
嚴行約束。各子弟不得私相尋釁。臺灣生番散處內山。大

南澳沿海官地並非生番可以出賣。該洋人顯係藉口抵  
塞。又據丁丞具稟。三月二十三日。有英國巡洋火輪兵船  
來泊蘇澳。並往大南澳看地。直至二十六日始行開。却英  
人康旋亦到南風澳。逐日盤收雞籠口運來灰瓦甚多。詢  
之將。在何處蓋屋。亦復不答。察看情形。該兵船斷非英人  
康力能調遣。是英領事之不遵公使約。於此可知。請照  
會英國公使等。因前來查名康洋人。在大南澳開山伐木。  
經貴大臣轉飭嚴禁之後。仍復與美利士合夥。建堡壘。並  
私販軍火。前本衙門已行文該省督撫。轉飭拏交領事官  
懲辦。如敢恃強抗拒。不服拏送。卽如布國事大臣所稱。各

由自揭祇好傷斃無論並照會貴大臣查照昨准照覆業  
飭領事官務將各康洋人撤回不准再往該處復有伐木  
墾荒等事各在案足徵貴大臣以和誼為重辦事秉公惟  
現據該省咨報該洋人在彼種種妄為愈出情理之外而  
貴國領事觀望不辦且有兵船停泊查看地勢應仍請貴  
大臣再行嚴飭領事官務遵貴大臣飭擬不准再往該處  
復有伐木墾荒等事本衙門現復咨覆該省辦理除照會  
布國李大臣外相應鈔錄該地方官與領事來往文移再  
行照會貴大臣查照轉飭該處領事官知照可也

呼圖克圖祝噶扎拉參奏竊行次克林河探詢布倫托

海叛民。近踏哈薩克遊牧。與俄羅斯界守卡之兵接仗。傷  
有一二十人。伏思該叛民兇心未改。復與俄夷生端。致啟  
邊釁。今俄夷必不甘心罷議。勢現在克林河紮營。逐日訓  
練士卒。以分其再窺之勢。應候各大臣到任。會商辦理。  
棍噶扎拉參入奏。查有從叛民處逃出烏梁海之人阿勒  
泰。所有叛民近踏哈薩克。與俄羅斯之兵接仗。傷有二十  
餘名。維時其人在內。親見確實。謹附片陳明。

諭軍機大臣等。棍噶扎拉參奏。叛民近踏哈薩克遊牧。與俄羅斯  
守卡之兵接仗。傷有一二十人等語。該叛民兇心未改。復與俄  
夷生事。傷其守卡兵丁。恐開邊釁。福濟。文碩。錫齡。當相機妥籌。

辦海母稍大意。棍噶扎拉參片奏。叛民與俄兵接仗各情。據  
逃出民人阿勒泰聲稱在內。目驗此事。既屬確實。福濟等不得  
遽就因循。致生枝節。原摺片均著鈔給閱看。

善州夷務始末卷之六十六